

რეგისტრაცია

პროფესიული განათლების მიღების მსურველთათვის რეგისტრაციის, შერჩევისა და ჩარიცხვის პროცედურები რეგულირდება საქართველოს განათლებისა და მეცნიერების მინისტრის 2021 წლის 2 ივლისის №42/ნ ბრძანებით დამტკიცებულ პროფესიულ საგანმანათლებლო პროგრამაზე ჩარიცხვის წესის თანახმად.

რეგისტრაცია ხდება წელიწადში ერთხელ - საქართველოს განათლებისა და მეცნიერების მინისტრის მიერ განსაზღვრულ ვადებში. რეგისტრაციისას აპლიკანტი უფლებამოსილია აირჩიოს არაუმეტეს 3 სასურველი პროგრამა

რეგისტრაცია წარმოებს კოლეჯებში ან ელექტრონული პლატფორმის საშუალებით - vet.emis.ge

შეფასების პროცესის დასრულების შემდეგ საქართველოს განათლებისა და მეცნიერების მინისტრის მიერ განსაზღვრულ ვადებში აპლიკანტს ეძლევა საშუალება სარეგისტრაციო სისტემაში აირჩიოს მის მიერ რეგისტრაციისას მითითებული იმ პროფესიული საგანმანათლებლო პროგრამებიდან ერთ-ერთი, რომელზეც მოიპოვა ჩარიცხვის უფლება.

დამატებითი ინფორმაცია იხილეთ ვებ-მისამართზე vet.emis.ge და naec.ge ან მოზრძანდით ჩვენთან: ლია კარის დღეები ყოველ დღე შაბათ-კვირის გარდა მის-ზე: ქ. თბილისი, ილია ვეკუას ქუჩა, №44 კოლეჯის ცხელი ხაზია: 2 140314, 2 140315

პროფესიული ტესტების ნიმუშები

ინფორმაცია კოლეჯის მიერ გამოცხადებული იმ პროფესიული საგანმანათლებლო პროგრამების მიხედვით, რომლებზეც შერჩევის მეთოდად განსაზღვრულია სსიპ - შეფასების და გამოცდების ეროვნული ცენტრის მიერ ორგანიზებული ტესტირება შეგიძლიათ იხილოთ ვებ-მისამართზე - www.naec.ge საგამოცდო პროგრამა წიგნიერებაში და საგამოცდო პროგრამა რაოდენობრივ წიგნიერებაში

შერჩევის პროცესი

შერჩევა შესაძლოა განისაზღვრებოდეს სსიპ - შეფასების და გამოცდების ეროვნული ცენტრის მიერ ორგანიზებული ტესტირების/მოტივაციური გასაუბრების/შემოქმედებითი ტურის საფუძველზე, ხოლო სპეციალური საგანმანათლებლო საჭიროების მქონე აპლიკანტთათვის პრაქტიკული მოსინჯვის გზით.

შერჩევის ეტაპზე თან იქონიეთ: პირადობის დამადასტურებელი დოკუმენტი - დაბადების/პირადობის (ბინადრობის) მოწმობა/პასპორტი

საგამოცდო ბარათი:

თითოეულ აპლიკანტზე, რომელიც დარეგისტრირდა უმაღლეს პროფესიულ საგანმანათლებლო პროგრამაზე ან/და იმ საშუალო პროფესიულ პროგრამაზე, რომელზეც შერჩევის მეთოდად განსაზღვრულია ტესტირება, სარეგისტრაციო სისტემაში გენერირდება საგამოცდო ბარათი.

საგამოცდო ბარათში მითითება აპლიკანტის შემდეგი პერსონალური მონაცემები – სახელი, გვარი, პირადი ნომერი, დაბადების თარიღი, სქესი და აპლიკანტის ფოტოსურათი, იმ შემთხვევაში, თუ აღნიშნული აპლიკანტის ფოტოსურათი ფიქსირდება სახელმწიფო სერვისების განვითარების სააგენტოს მონაცემთა ელექტრონულ ბაზაში. ბარათში ასევე მითითება ის საგამოცდო ცენტრი, სადაც აპლიკანტი გაივლის ტესტირებას, ჩასაბარებელი ტესტი, ტესტირების ჩატარების თარიღები და ტესტირებაზე რეგისტრაციის დაწყების დრო.

პროფესიული ტესტირებისათვის ბარათი გაცივდა პროფესიული საგანმანათლებლო პროგრამების განმახორციელებელ დაწესებულებებში. ბარათის ამობეჭდვა ასევე შესაძლებელია ვებგვერდიდან www.vet.emis.ge

რეგისტრაციის გავლის დამადასტურებელი უნიკალური კოდის დაკარგვის/ნაშლის შემთხვევაში დარეკეთ ცხელ ხაზზე: (+995 32) 2 200 220.

საგამოცდო ბარათის მისაღებად თან იქონიეთ:

სარეგისტრაციო ფურცელი ან პირადობის დამადასტურებელი დოკუმენტი ან ისარგებლეთ ელექტრონული პლატფორმის საშუალებით - vet.emis.ge

ჩარიცხვა

სსიპ - შეფასების და გამოცდების ეროვნული ცენტრის მიერ ორგანიზებული ტესტირებისა და კოლეჯის მიერ განსაზღვრული შერჩევის საფუძველზე პროფესიულ საგანმანათლებლო პროგრამაზე ჩასარიცხად აპლიკანტმა კოლეჯში უნდა წარმოადგინოს :

1. აპლიკანტის, შეზღუდულ ქმედუნარიანი/ მხარდაჭერის მიმღები აპლიკანტის შემთხვევაში მშობლის/კანონიერი წარმომადგენლის წერილობითი განცხადება, რომელიც უნდა აკმაყოფილებდეს საქართველოს ზოგადი ადმინისტრაციული კოდექსის 78-ე მუხლით დადგენილ მოთხოვნებს;

2. აპლიკანტის, შეზღუდულ ქმედუნარიანი/ მხარდაჭერის მიმღები აპლიკანტის შემთხვევაში, მშობლის/კანონიერი წარმომადგენლის პირადობის დამადასტურებელი დოკუმენტის ასლი;

3. არასრულწლოვანი აპლიკანტის შემთხვევაში დაბადების მოწმობის ასლი;

4. 2 ცალი ფერადი ფოტოსურათი ზომით 3x4-ზე;

5. საბაზო საფეხურის/სრული ზოგადი/უმაღლესი/პროფესიული განათლების დამადასტურებელი დოკუმენტის ასლი, მასთან გათანაბრებული დოკუმენტი (ცნობა საბაზო/სრული ზოგადი საფეხურის დაძლევის/პროფესიული კვალიფიკაციის ან აკადემიური ხარისხის მინიჭების შესახებ) ან განათლების დამადასტურებელი სხვა დოკუმენტი, რომელიც აღნიშნულ პირს საქართველოს კანონმდებლობის შესაბამისად, საბაზო ზოგადი განათლების/სრული ზოგადი განათლების მიღების საფუძველზე გადაეცა.

6. უცხოეთში და საქართველოს ოკუპირებულ ტერიტორიებზე მიღებული განათლების დამადასტურებელი დოკუმენტის შემთხვევაში სსიპ - განათლების ხარისხის განვითარების ეროვნული ცენტრის ან სხვა ადმინისტრაციული ორგანოს მიერ გაცემული მიღებული განათლების აღიარების დოკუმენტი;

7. 1.5. და 1.6. პუნქტებში მითითებული დოკუმენტების არქონის ან არასრულყოფილად წარმოდგენის შემთხვევაში აპლიკანტი ვალდებულია პროფესიულ საგანმანათლებლო პროგრამაზე ჩარიცხვიდან 3 თვის ვადაში წარმოადგინოს საბაზო ზოგადი განათლების დამადასტურებელი დოკუმენტი/სრული ზოგადი განათლების დამადასტურებელი დოკუმენტი, მასთან გათანაბრებული დოკუმენტი ან განათლების დამადასტურებელი სხვა დოკუმენტი, რომელიც აღნიშნულ პირს საქართველოს კანონმდებლობის შესაბამისად, საბაზო ზოგადი განათლების/სრული ზოგადი განათლების მიღების საფუძველზე გადაეცა. მითითებულ ვადაში აღნიშნული დოკუმენტების წარმოდგენლობის ან არასრულყოფილად წარმოდგენის შემთხვევაში პროფესიულ სტუდენტს შეუწყდება პროფესიული სტუდენტის სტატუსი;

8. კანონიერი წარმომადგენლის უფლებამოსილების დამადასტურებელი დოკუმენტი (ასეთის არსებობის შემთხვევაში);

9. შეზღუდული შესაძლებლობის მქონე პირის სტატუსის დამადასტურებელი დოკუმენტის ასლი და ჯანმრთელობის მდგომარეობის შესახებ ცნობა (ასეთის არსებობის შემთხვევაში);

10. 17 წელს მიღწეული პირის (გარდა იმ პირისა, რომელიც წვევამდელთა სამხედრო აღრიცხვას არ ექვემდებარება) წვევამდელის სამხედრო აღრიცხვაზე ყოფნის ან წვევამდელის სამხედრო აღრიცხვიდან მოხსნის დამადასტურებელი დოკუმენტი.